

Ein schon lied new gemacht von der schonen Maria  
zu Regenspurg. in dem thon Von erst  
so wol wir loben.



¶ Hilf got das ich mög singen / zu trost der chris-  
tenheit / las dein genad her springenn / Maria du  
schöne maidt / verleich mir sin vnd weyße / das ich  
dein lob müch preysen / wie es sich duet perweysenn  
das ist vns wol pekant / wol in dem payerlandt.

¶ Gros frewd hat sich erhaben / zu Regenspurg in  
der stat / Maria wel wir loben / dar zu ein weysen  
ratt / gott wel in fristen ir Leben / weyter genad her  
geben / weyl sy nach eren streben / mit der gerecht-  
keyt / hilff vns du schöne maydt.

¶ Hilf gott in deinem reiche / in deyner ebigkeyt /  
las dein genad herschleychem / Maria du schöne  
maydt / due dich von vns nit wenden / vns deyn  
genad her senden / das wir frölich verendē / als wir  
hie sahen an / vnd lassen nit darnon.

¶ Eyn Gorhaws well wir pawen / wol auff den  
Juden plan / groß wüder duet man schawē kynde

weyß vnd auch die man / die habens wol vernumen / plind lamen vnd die krumen / wie sy  
all daher kummen / grüssen Maria reyn / ir liebes kindlein.

¶ Gros genad ist vns her kummen / das ist vns wol pekant / ein plindter hats vernummen  
so weyt in frembden landt / gen Regenspurg dett er ziehen / zu der schönen Maria fliehen  
er ging auff seyner knyen / vmb die kapel so schön / das sach manicher man.

¶ Drey mal er das verprachte / mit grosser andacht seyn / wie paldt er sich auff machte / gieng  
in di capell ein / Maria det er grüssen / mit schönen wortte süsse / got lyes sein gnad her flüssen /  
wol zu der sellben stund / das er gesehen kundt.

¶ Dye herren all peysammen / sahen das wunder an / Sigmundt schwebel der frumme / Hans  
portner Caspar ammon / die thün die warheyt gehen / wie das ist geschehen / der blind wurde  
gesehen zu der schonen Maria frey / das got gelobet sey.

¶ Maria kuniginne / du himelischer trost / mit witz vnd weysen sinne / hastu vns all erlost / wir  
lagen hart gepüden / wol mit den juden hunden / die hastu vberwüden / mit der gerechtigkeit  
lob er sey dir gefeyt.

¶ Darumb sie Juden meiden / Maria die vil zart / ir gotlicher abschneiden / nach Ebr  
art / mit lē vnd mit singen / wo sye das thun verbringen / mit wucher sye bezwinge  
frummen christen leut / als ich euch hye bedeut.

¶ Tun wol wir weytter singē / vō der Juden vbelthat / wie sye die christen zwingen / mit iren  
falschen rat / in steten vnd auf landen / sye leyhen auf die psande / das christlich plut zu hande /  
thun sye auch greifen an / petrüßen manichen man.

¶ Ein stain hat man gefunden / haimlich an einem ortt / dar auff die Juden hunde / vil kind  
haben ermortt / gar gemerlich erstochen / ir leben abgebrochen / Got ließ nit vngerochen / weye  
man gesehen hat / zu Regenspurg in der stat.

¶ Wol zu der sellben stunde / kindß marter was nit klain / die gebain hat man gefunden / die  
noch vor augen sein / in einem kasten kleine / dar in sicht man die paine / zu der schön Maria  
reine / pey dem hohen altar / sicht man die gepain furwar.

¶ Das thüt die Juden hassen / das man das hat gethan / dar von wöll wir nit lassen / Maria  
rüß wir an / mit irem lieben kinde / mit schönen wortten schwinde / groß gnad wöl wir do vns  
den / bey got in seinem reych / ymmer vnd ewigleych.

¶ Du edele kuniginne / du schöne Maria frey / verleych vnns weytter sinne / stee vnns in nöten  
bey / vnd laß vns nit verderben / wen wir sollen sterben / thue vns gnad erwerben / an vnsern  
letzten endt / got sein gnad her sendt.

¶ Ob mā würt weiter fragen / wer das gedichtet hat / das hat gethā ein nagler / mit hilff Ma-  
ria rat / sye laß genad herschleychen / ymmer vnd ewigleychen / lobt Gott in seinem reych / so  
würt vns geluck vnd hayl / das singt vns Iheronimus ell.

Gedruckt zu Regenspurg.

Cimberbi

indolita locol

= 8<sup>o</sup> P. germ. 3057

*[Faint, mostly illegible text, likely bleed-through from the reverse side of the page. The text is arranged in several columns and appears to be a botanical or scientific manuscript.]*

